

【見愛】（科註第314頁第7行第87集2012年12月25日）

《佛學大辭典》：（術語）我見邪見等一切迷理之惑，謂之見，貪欲瞋恚等一切迷事之惑謂之愛。見者一切之見惑，愛者一切之修惑（又云思惑）也。迷事之惑中，以愛著為苦之本，故標愛而該餘也。

法界次第上之上曰：「若論煩惱根本，不出見愛。邪心觀理，名之為見。若於假實之理，情迷而倒想邪求。隨見偏理，妄執為實，通名為見。見煩惱者，謂五利使（身見等五見）。貪染之心，名之為愛。若於假實之事情迷隨心，所對一切事境，染著纏綿，通名為愛。愛煩惱者，謂五鈍使（貪瞋癡慢疑）。」
歸敬儀通真記上本曰：「見謂見惑八十八使，見所斷故，愛謂修惑，八十一品，修所斷故。」

【空慧】（科註第314頁第7行第87集2012年12月25日）

《佛學大辭典》：（術語）觀空理之智慧。

嘉祥法華經疏二曰：「經論之中多說，慧門鑒空，智門照有。」

安樂集上曰：「若依維摩經，不可思議解脫為宗。若依般若經，空慧為宗。」